



REPUBLIKA E SHQIPËRISË
KOMISIONI I PROKURIMIT PUBLIK

V E N D I M

K.P.P. 388/2019

Komisioni i Prokurimit Publik, i përbërë nga:

Evis Shurdha	Kryetar
Enkeleda Bega	Nënkryetar
Vilma Zhupaj	Anëtar
Lindita Skeja	Anëtar
Merita Zeqaj	Anëtar

Në mbledhjen e datës 20.06.2019, shqyrtoi kërkesën me:

Objekt: Kërkesë për heqje dorë nga shqyrtimi administrativ i ankesës nr. 1087 prot., datë 14.06.2019 për procedurën e prokurimit me Nr.REF-12864-03-08-2019, me objekt: *“Rikonstruksion në spitalin Lezhë dhe shtesë për Maternitetin Lezhë , faza e pare ndertimi i maternitetit te ri”*, me fond limit 294.727.590 lekë pa tvsh, zhvilluar ne daten 06.05.2019 nga autoriteti kontraktor Spitali Rajonal Lezhë.

Ankimues: “4 A-M” sh.p.k
Rr. “Artan Lenja”, Pallati i 4 A-M, Kati I, Ap.A1, Tiranë

Autoriteti Kontraktor: Spitali Rajonal Lezhë
Lagja: Varosh, Lezhë

Baza Ligjore: Ligji nr. 9643, datë 20.11.2006 *“Për Prokurimin Publik”*, i ndryshuar, neni 19/1 e vijues, Vendimi i Këshillit të Ministrave nr. 914, datë 29.12.2014 *“Për miratimin e rregullave të prokurimit publik”*, i ndryshuar, Vendimi i Komisionit të Prokurimit Publik Nr. 596/2018, datë 12.09.2018 *“Për miratimin e rregullave “Për Organizimin dhe Funksonimin e Komisionit të Prokurimit Publik”*.

Komisioni i Prokurimit Publik, pasi dëgjoji relatorin e çështjes dhe pasi diskutoi çështjen në tërësi,

Vëren:

I

Vlerësimi paraprak

I.1. Pas shqyrtimit paraprak të ankesës dhe të dokumentacionit të dërguar nga operatori ekonomik ankimues dhe autoriteti kontraktor, Komisioni i Prokurimit Publik konstatoi se ky i fundit, mbështetur në pikën 1 të nenit 63 të ligjit nr. 9643, datë 20.11.2006 “Për prokurimin publik”, i ndryshuar, ka *prima facie* interes në këtë procedurë prokurimi dhe për këtë arsye legjitimohet për të paraqitur ankesë në lidhje me të.

I.2. Operatori ekonomik ka paraqitur fillimisht ankesë pranë autoritetit kontraktor dhe, më pas, ka paraqitur ankesë pranë Komisionit të Prokurimit Publik, si organi më i lartë në fushën e prokurimeve, që shqyrton ankesat për procedurat e prokurimit, në përputhje me kërkesat e percaktuara në ligjin nr. 9643, datë 20.11.2006 “Për prokurimin publik”, i ndryshuar.

II

Rrethanat e çështjes

II.1. Në datën 11.03.2019 në sistemin e prokurimeve elektronike është publikuar procedura e prokurimit me Nr.REF-12864-03-08-2019, me objekt: “*Rikonstrukcion në spitalin Lezhë dhe shtesë për Maternitetin Lezhë , faza e pare ndertimi i maternitetit te ri*”, me fond limit 294.727.590 lekë pa tvsh, zhvilluar ne daten 06.05.2019 nga autoriteti kontraktor Spitali Rajonal Lezhë.

II.2. Në datën 29.05.2019 KVO-ja ka përfunduar në SPE vlerësimin dhe klasifikimin përfundimtar të ofertave. Ofertuesi ankimues është njoftuar elektronikisht për arsyet e skualifikimit të tij në procedurën e mësipëme të prokurimit.

II.3. Operatori ekonomik ankimues ka paraqitur ankesë në autoritetin kontraktor në datën 03.06.2019, duke kundërshtuar arsyet e skualifikimit të tij.

II.3. Nëpërmjet shkresës nr. 277/12 prot, datë 07.06.2019 autoriteti kontraktor ka kthyer përgjigje në lidhje me ankesën e paraqitur pranë këtij të fundit nga ankimuesi, duke mos e pranuar atë.

II.4. Në datën 14.06.2019 operatori ekonomik ankimues ka paraqitur ankesë pranë Komisionit të Prokurimit Publik, me të njëjtin objekt si edhe në autoritetin kontraktor.

II.5. Në datën 20.06.2019, operatori ekonomik ankimues ka paraqitur pranë Komisionit të Prokurimit Publik një kërkesë me anë të së cilës kërkon të heqë dorë nga ankesa e bërë në lidhje me procedurën e prokurimit me Nr.REF-12864-03-08-2019, me objekt: *“Rikonstruksion në spitalin Lezhë dhe shtesë për Maternitetin Lezhë , faza e pare ndertimi i maternitetit te ri”*, me fond limit 294.727.590 lekë pa tvsh, zhvilluar ne daten 06.05.2019 nga autoriteti kontraktor Spitali Rajonal Lezhë.

III

Komisioni i Prokurimit Publik

pas shqyrtimit të kërkesës së operatorit ekonomik ankimues,

Arsyeton:

III.1. Lidhur me kërkesën e operatorit ekonomik ankimues “4 A-M” sh.p.k., për të hequr dorë nga ankesa e bërë në lidhje me procedurën e prokurimit me Nr.REF-12864-03-08-2019, me objekt: *“Rikonstruksion në spitalin Lezhë dhe shtesë për Maternitetin Lezhë , faza e pare ndertimi i maternitetit te ri”*, me fond limit 294.727.590 lekë pa tvsh, zhvilluar ne daten 06.05.2019 nga autoriteti kontraktor Spitali Rajonal Lezhë, Komisioni i Prokurimit Publik vëren se:

III.1.1. Duke qënë se një situatë e tillë nuk është e rregulluar nga ligji nr. 9643, datë 20.11.2006 *“Për Prokurimin Publik”*, i ndryshuar, Komisioni i Prokurimit Publik i drejtohet ligjit nr.44/2015 *“Kodi i Procedurave Administrative i Republikës së Shqipërisë”* i cili në nenin 94, *“ Tërheqja e kërkesës apo braktisja e procedurës”*, pika 1 parashikon se *“Si rregull, në procedurën administrative të nisur me kërkesë, organi publik deklaron përfundimin e saj pa një vendim përfundimtar për çështjen, nëse pala që ka paraqitur kërkesën e tërheq atë.”*

III.1.2. Komisioni i Prokurimit Publik gjykon se operatori ekonomik ankimues është në të drejtën e tij të kërkojë të heqë dorë nga pretendimet e parashtruara në objekt ankimimin e tij, dhe si pasojë mos shqyrtimit të ankesës së tij nga KPP lidhur me këto pretendime. Heqja dorë nga ankesa e paraqitur nga operatori ekonomik ankimues sjell si rrjedhojë përfundimin e procedimit administrativ pa një vendim përfundimtar për çështjen.

Përsa më sipër, në mbështetje të nenit 19/1 dhe vijues, të ligjit nr. 9643, datë 20.11.2006 “Për Prokurimin Publik”, i ndryshuar, nenit 31 të Vendimit të Komisionit të Prokurimit Publik Nr. 596/2018, datë 12.09.2018 “Për miratimin e rregullave “Për organizimin dhe funksionimin e Komisionit të Prokurimit Publik”, Komisioni i Prokurimit Publik, njëzëri,

Vendos:

1. Të përfundojë procedimin administrativ për procedurën e prokurimit me Nr.REF-12864-03-08-2019, me objekt: “Rikonstruksion në spitalin Lezhë dhe shtesë për Maternitetin Lezhë , faza e pare ndertimi i maternitetit te ri”, me fond limit 294.727.590 lekë pa tvsh, zhvilluar ne daten 06.05.2019 nga autoriteti kontraktor Spitali Rajonal Lezhë.
2. Autoriteti kontraktor lejohet të vijojë me hapat e mëtejshëm të procedures së prokurimit.
3. Kopje e këtij vendimi i dërgohet për njoftim Agjencisë së Prokurimit Publik.

Ky vendim hyn në fuqi menjëherë.

Nr. 1087 Protokolli

Datë 14.06.2019

KOMISIONI I PROKURIMIT PUBLIK

Nënkryetar
Enkeleda Bega

Anëtar
Vilma Zhupaj

Anëtar
Lindita Skeja

Anëtar
Merita Zeqaj

Kryetar
Evis Shurdha